

Broj: 08-11-5-2-130/20
Sarajevo, 09.01.2020. godine

Bosna i Hercegovina
Federacija Bosne i Hercegovine
FEDERALNO MINISTARSTVO
VODOPRIVREDE I ŠUMARSTVA
SARAJEVO, ul. Hamdije Čemerlića 2

Primljeno: 13-01-2020

Org. jedin.	Broj	Prilog	Vrijednost

Federalno ministarstvo poljoprivrede, vodoprivrede i šumarstva
Federalna uprava za geodetske i imovinsko-pravne poslove
Federalno ministarstvo energije, rudarstva i industrije
Federalno ministarstvo raseljenih osoba i izbjeglica
Federalno ministarstvo prometa i komunikacija
Federalno ministarstvo razvoja, poduzetništva i obrta
Federalno ministarstvo rada i socijalne politike
Federalno ministarstvo prostornog uređenja
Federalno ministarstvo obrazovanja i nauke
Federalno ministarstvo unutrašnjih poslova
Federalno ministarstvo okoliša i turizma
Federalno ministarstvo kulture i sporta
Federalno ministarstvo zdravstva
N/p Ministra

PREDMET: Zahtjev za popunjavanje IP obrasca i poziv za kandidovanje projekata u Program javnih investicija Federacije Bosne i Hercegovine 2021.-2023. godina

Poštovani,

U skladu sa članom 8. Uredbe o načinu i kriterijima za pripremu, izradu i praćenje realizacije programa javnih investicija ("Službene novine Federacije BiH", broj 106/14 i 27/19), a u svrhu pripreme Programa javnih investicija Federacije Bosne i Hercegovine 2021.-2023. godine upućujemo Zahtjev za popunjavanje IP obrasca i poziv za kandidovanje projekata.

Krajnji rok za dostavljanje IP obrasca i relevantne dokumentacije za kandidovani projekat Federalnom ministarstvu finansija je 15. april 2020. godine. Obzirom da projekat koji je bio uvršten u PJI FBiH u prethodnim godinama, ne može automatski biti uključen u PJI FBiH 2021.-2023. godina, potrebno je za isti izvršiti ažuriranje podataka i dostaviti IP Obrazac generisan iz PIMIS-a.

Rokove za kandidovanje projekata u program javnih investicija objavljuju nadležna resorna ministarstva na svojoj internet stranici i obavezna su pravovremeno održati konsultacije sa ciljem usklađivanja prijedloga projekata sa strateškim dokumentima sektora.

Uredbom je propisano da se u PJI Federacije može kandidovati projekat čija je ukupna vrijednost veća od 1.000.000 KM. Za projekte koji se kandiduju u PJI Federacije uz IP obrazac potrebno je dostaviti popunjen Obrazac za ocjenu prijedloga projekta i relevantnu prateću dokumentaciju propisanu članom 12. Uredbe. Sva relevantna dokumentacija se dostavlja u elektronskoj formi (na CD-u).

Dokumenti, iz člana 12. stav b) Uredbe, koji dokazuju stepen pripremljenosti projekta za realizaciju podrazumijevaju raspoloživu projektnu dokumentaciju za koju je u IP obrascu, u pitanju 25., naznačeno da je pripremljena.

Kandidovani projekti za koje, istovremeno sa IP Obrascem, nije dostavljena relevantna dokumentacija ne mogu biti predmetom ocjenjivanja od strane Komisije za PJI FBiH.

U skladu sa članom 6. Uredbe resorna ministarstva obavezna su na svojoj internet stranici objaviti rokove za kandidovanje projekata u PJI FBiH i pravovremeno održati konsultacije sa ciljem usklađivanja prijedloga projekata sa sektorskim strateškim dokumentima.

Zakonom o budžetima Federacije BiH ("Službene novine Federacije BiH", br: 102/13, 9/14, 13/14, 8/15, 91/15, 102/15, 104/16 i 5/18) propisana je obaveza kantona da pripremaju svoj program javnih investicija (u daljem tekstu: kantonalni PJI) u koji su uključeni projekti gradova i općina, što ne predstavlja ograničenje da svoje projekte kandiduju u PJI FBiH. Pri tome, jedan projekat ne može biti istovremeno uključen u PJI FBiH i u kantonalni PJI.

Ukoliko se kantonalni, gradski ili općinski projekat kandiduje u PJI FBiH, uz poštovanje propisanih rokova, procedure i minimalne vrijednosti kandidovanog projekta (jedan milion KM), potrebno je da resorno federalno ministarstvo potvrdi značaj uključivanja takvog projekta u PJI FBiH, vodeći pri tom računa o njegovoj usklađenosti sa strateškim okvirom. Obzirom da se IP obrazac generira na osnovu podataka unesenih u PIMIS sistem, a imajući u vidu specifičnosti unosa podataka u PIMIS sistem, podatke o projektima koje kantoni i općine kandiduju u PJI FBiH, u PIMIS mora unijeti federalno ministarstvo koje je potvrdilo značaj njegovog uključivanja u PJI FBiH i IP obrazac generisan iz PIMIS sistema, zajedno sa relevantnom dokumentacijom dostaviti Federalnom ministarstvu finansija.

Kandidovani projekti ocijenjeni prethodnih godina, čija se vrijednost ili neki drugi njegovi bitni elementi značajno mijenjaju moraju ponovo proći proces ocjenjivanja. Za iste je Komisiji potrebno dostaviti dokumentaciju koja se odnosi na nastale promjene, te obrazloženje razloga promjena i njihovog uticaja na realizaciju, osiguranje izvora finansiranja i sl.

Projekat za koji podaci nisu ažurirani u skladu sa dinamikom utvrđenom Uredbom, odnosno za koji nije unesen plan ulaganja za period za koji se priprema dokument, ne može biti uključen u program javnih investicija, a samim tim, u skladu sa članom 16. Uredbe, ne može biti finansiran budžetskim sredstvima ili zaduživanjem.

Napominjemo da projekat čiji je početak implementacije planiran po isteku perioda na koji se PJI odnosi ne može biti uključen u taj PJI.

Kako su Uredbom propisani rokovi za pripremu programa javnih investicija Federacije BiH, korisnici neće imati pristup PIMIS sistemu niti mogućnost unosa podataka *nakon propisanog roka*, odnosno PIMIS sistem će biti zaključan, iz kog razloga je neophodno pridržavati se propisanih rokova, i to:

- do 15. aprila Ministarstvu finansija se dostavljaju popunjeni IP obrasci, a PIMIS sistem će biti zaključan od dana 20. aprila do 01. juna, kako bi se generisali podaci za izradu nacrtu PJI FBiH,
- do 25. septembra nadležna ministarstva dostavljaju Ministarstvu finansija revidirane IP obrasce, a PIMIS sistem će biti zaključan od dana 30. septembra do 20. oktobra kako bi se generisali podaci za pripremu prijedloga PJI FBiH
- podaci o sredstvima utrošenim u prethodnoj godini unose se do 20. januara tekuće godine, a PIMIS sistem će biti zaključan od dana 01. februara do 01. marta tekuće godine.

Također naglašavamo da je obavezno, kako za projekte u implementaciji, tako i za kandidovane projekte u PIMIS sistemu, popunjavati podatke u dijelu VI „Finansijski podaci” -tabela 26, što je od posebnog značaja za pripremu strategije upravljanja dugom, izradu aneksa budžeta, plana zaduživanja, kao i za druge analize.

S poštovanjem,

MINISTRICA

Jelka Milićević